

(...)

Testamant, Verdier

.....  
vi

Au nom de dieu soit l **an mil**  
**six cens cinquante sept** et le **quatriesme** jour  
du mois de **janvier** apres midy soubz le regne de  
nostre souverain et( )tres chrestien prince louis  
quatorse du nom par la grace de dieu roy dé  
france et( )de navarre dans la **maison d habita(tion)**  
**du testateur** cy apres nommé size en la ville  
de **villemur rue** appelée de **saint michel**  
diocese bas montauban et seneschaucee dé tholose  
pardevant moy notaire royal soubzsigné  
et( )presans les tesmoings bas nommes a esté  
en personne le sieur **pierre verdier**  
**bourgeois** dudict villemur lequel gisant dans  
ung lict a la chambrette de ladicte maison  
respondant sur la grange appartenant a  
francois sourçou se trouvant auqu'unémant  
indisposé de sa personne toutesfois dieu graces  
bien voiant et oyant parlant et estant en  
ses bons sens jugemant memoire et  
cognoissance considerant n( )y avoir rien dé  
plus certain qué la mort ny de( )plus incertain  
qué l( )heure de son bon gré non induict  
ny suborné de personne a faict et ordonné

.....  
son testamant nuncupatifz en la forme et  
maniere suyvante et **premieremant** a  
faict le signe de la croix sur sa personne recomandé  
son ame a dieu pere filz et saine spéricit et  
supplié icelluy de bon coeur luy pardonner  
toutes ses fautes et pechés e(t )vouloir colloquer  
son ame en son paradis celeste pour l( )amour  
de son tres cher et bien aymé fils nostre seigneur  
jesus christ et( )par l( )intercession de la glorieuse  
vierge marie saincz et saintes de paradis  
a( )volleu et ordonné veut et ordeonne led(it)  
testateur apres qué son ame sera separée de  
son corps qu( )icelluy soit ensepvelly dans  
l( )eglise saint michel dudict villemur et sepulture  
qu( )il y a remettant ses honneurs funebres  
a( )la discretton de son heretier universsel  
bas nommé s( )assurant qu( )il s( )en aquittera  
dignemant sy a declare ledict testateur

qué lors du **mariage** contracte par **feue marie de verdier sa filhe** legitime et naturelle et de **jeanne de saint martin**

.....

vii.

sa( )femme avec **jean bories marchand appotiquaire** de ceste( )ville luy avoir constitué la somme de cinq cens livres et quelques dotalisses dont il reste s(e)ullemant deux cens livres e(t )une robe estamine outre laquelle somme constituee ledict testateur a( )donné et legué donne et legue a( )**pierre, jean, e(t )raymond pierre bories** fils dudict jean et de ladicte deffunte marie de( )verdier **ses petitz fils** la somme de trois cens livres t(ournoi)z a( )partager entr( )eux trois esgallemant paiable par son heretier bas nommé six mois ppres son décès & qué moyenant cé ilz né puissent rien plus prethandre ny demander sur ses biens et hereditté les faisant a( )ces( )fins ses heretiers particuliers et en tous et chacungz ses autres biens meubles et immeubles noms droictz voix et actions presans et( )advenir ou qué soinct sittues et luy puissent appartenir a( )faict institué et de sa propre bouche nommé son heritiér

.....

universsel et general assavoir est m(aîtr)e **daniel verdier cy devant procureur au sen(ech)al de tholose** son fils legitime et naturel et de ladicte de saint martin pour incontinant apres son deces en jouir faire et disposer a sés plaisirs e(t )volontes et tel a dict le susdict verdier testateur estre son testamant que veut que vaille et soict valable par droict de testamant ou de codicille ou de donna(ti)on faicte a cause de mort ou disposi(ti)on de derniere volonté & par toute autre meilleure voye que de droict pourra valloir, revocquant et annullant tous testamans **donnations** a cause de mort a la reserve de celle qu( )il auroict faicte audict verdier son filz receue par deffunt m(aîtr)e **jean bascoul no(tai)re** de ceste ville **le vingt neufiesme dé mars mil six cens quarante quatre** laquelle il veut que sorte son plain et entier effect sy a( )de( )plus revocqué et annullé toutes les autres dispositions qu( )il pourroict avoir

.....

cy devant faictes et mesmes le( )**testamant**  
**clos** qu( )il auroict faict retenir audict feu  
**bascol notaire le( )vingt quatriesme** du moys  
d( )**octobre mil six cens trante neuf**, voulant  
qué le presant testamant soict son vray et  
unique testamant & affin qu( )il soict d( )autant  
plus efficace et né puisse estre revocqué  
en doubte a( )pries les tesmoingz sy après  
nommés par( )luy faicts appeller et recognus  
l un après l( )autre d( )estre memoratiz de ceste  
sienne volonté e(t )presanté disposition &  
requis moy dict notaire d( )en( )rettenir instrument  
ce qu ay faict en presance de m(aîtr)e jean  
de( )furbeyré docteur ez droictz advocat en  
la cour m(aîtr)e pierre furbeire escolliér pere  
et filz, andre bernadon maistre appotiquaire  
anthoine bourgau, jean esquier marchans  
gabriel malpel e(t )jean bernard praticiens  
de( )villemur signes ledict **testateur a declare**  
**né pouvoir pas signer a cause de la**  
**dolleur des gouttes dont il est presantémant**

.....  
**attainct au bras droit**, & moy pierre custos  
notaire royal audict villemur requis soubz(sig)ne

De Furbeiré, p(rese)nt      P. Furbeire

Bourgau      Esquie, present

Bernadon      Malpel, p(rese)nt

Bernard      Custos, not(air)e r(oyal)